

دمع انتحابي	عالوجن لجلك يبو محمد أهمله
دمع انتحابي	والله لجلك دمعني بمصابك أجعله
دمع انتحابي	امصابك ابهاليوم يالغالي أجله
دمع انتحابي	ما يفتردمع حزني اعليك وهله

سورة عذابي	رتلتها ادموع فوق الخد جريه
سورة عذابي	من تهل دمعته من اعيون الزجيه
سورة عذابي	والصدر نيرانه لمصابك لظيه
سورة عذابي	اشلون حال اختك الحرة ابهالمسيه

يلتهب صدرها	من جمرة المصيبه
حايره ابأمرها	شيصبر الغريبه
يا عظم صبرها	في اللحظة العصيبه

يا دمع تصبه	لجلك يبو المكارم
صعبه والله صعبه	والحزن بيها عارم
چم تقاسي غربه	بس تنصب المآتم

فگدك يجدد فاجعة خير الرسل جدها
ما تنحصي اجراح الصدر يا هو اللي يسعدھا
چم معضله وچم نايبه وچم نازلہ عدها
جدها وأبوها وأمها وانتہ اليوم واجدها

صاحت يخويه يا الحسن يا مهجة الزهره
لجلك يواسي الدمعه صوت الأنة والحسره
يا ريت أبويه بو الحسن يحضرني من گبره
يمسح دموع احسين ومني ايكفكف العبره

طال انتظارك	حجة الله بالألم طال انتظارك
طال انتظارك	ونسأل الله الفرج يا محيي ثارك
طال انتظارك	وندري ابوسط الصدر مشبوبة نارك
طال انتظارك	يمته بس نوگف يمهدينه ابجوارك
يمته نشوفك	والملا اتحوطك يمهدينه نشوفك
يمته نشوفك	يمته تتلاله على الأمه ابطيوفك
يمته نشوفك	شاهر اعله الغوم يالمهدي اسيوفك
يمته نشوفك	والله لو لحظه نشوفك ما نعوفك

طولت غيابك	يا صاحب المعاني
واحنه من عذابك	يا منتظر نعاني
ننتظر ظهورك	وانحقق الأماني
سجلت حضورك	ياغالي في الضمائر
گللي وينه نورك	يا شمعة البصائر
ننتظر ظهورك	يا صرخة الشعائر

يمته نشوفك والفرج ياغالي عنوانك
يمته نشوفك هذا يومك هذا ميدانك
يمته نشوف البسملة ابقران إيمانك
من مقدمك ياالمنتظر مرعوبه عدوانك
يمته نشوف المنتظر وانشاهد ارسومه
طول غيابه وشيعته تتناقل اعلومه
چا وينه غايب ما يشوف الشيعة مظلومه
يظهر يشوف الدين حيف أركانه مهدومه

قصة عذابك	ياحسن أروها يا صابر المحزون
قصة عذابك	گرحت يا مجتبی امن النوح لعیون
قصة عذابك	اعليه جرحك في الدهر لا والله ما يهون
قصة عذابك	رتلتها آله ومنها اتزلزل الكون

أروي مصابك	وأذكر أفضالك وأهل الدمع مألوم
أروي مصابك	يا للذي ابغصه وألم تتجرح اهموم
أروي مصابك	يا لى چبدك ملتظيه ابحر لسموم
أروي مصابك	آه يظلوم ابحياتك آه يظلوم

ابصبرك وثباتك	متحيره الأعادي
كامل ابصافاتك	ما اتهمك الهنادي
قدمت حياتك	مقاوم وجهادي
بالكرم وصوفك	ورفعة قدر مكانك
مكرم الضيوفك	ما ينوصف كيانه
وبالحلم أشوفك	تصفح عن الأهانك

يا حامل أسرار الإمامه ابكلك الطاهر
ما أربك يا مجتبی معاويه الفاجر
دربك طريق التضحيه والحاربك خاسر
متهزك اجيوش العده والباري لك ناصر
صالحك لكن بالصالح تترجم الثوره
انت اللي وضحت الحقيقه ابفسك الحره
ما تعطي بيعه وعهد لى ايجارب العتره
ومن كل دعي وناصبي يالحسن تبهره

يا صبر أيوب يا شعب هالصبر گللي امنين جبته
يا صبر أيوب أي گلب هذا اللي بضلوعك حضنته
يا صبر أيوب أي عزم رغم الألم انتة امتلكته
يا صبر أيوب ومن دم المنحرنصرة ثورة كتبتة

ما تقبل الذل والشعار انتة رفعتة ابكل شعورك
ما تقبل الذل وانتة عند التضحية امسجل حضورك
ما تقبل الذل والظلم مهما بلغ ما يمحي نورك
ما تقبل الذل وانتة ماضي ابدربك اتقرر مصيرك

شاهد اعلاه صبرك كل مسجد ومناره
انتة عالي قدرك يالنته ابجداره
يالكتبتة نصرك من ثورة الطهارة
ثابت وعرفتک ما تعرف الهزيمة
صامد ووصفتک بالمعرفة القديمة
أبد يبقی صوتک لو طعننتک أليمه

من دم وريدك صرخه لا ما تقبل الذله
واللي قتل عذب سجن أبدا فلا اتقبله
تاريخ أسود وانحفرو وسط الصدر فصله
والظلم بارينه ابحكمتة حتما ايخذله

منصوره يا راية عدل ما تقبل الظالم
تطلب مساواة وعدل وابعقها ما اتساوم
منصوره ما تعرف هزيمة اتواجه العالم
الثورة لازم تنصرو لوطولت لازم